

Vene in Colegio domino Baldo Antonio Falcutio orator del signor duca di Urbin, et fo aldito con li Cai di X, et per lui fo mandato.

284 *Di campo, di sier Alvixe Pixani procurator, proveditor zeneral fo lettere, date a la Pieve, mia 8 apresso Perosa.* Come erano venuti con li exerciti ad alozar li, et esser zonto li in campo Raphael Hironimi comissario di Fiorentini a star in locho del Vizardino, qual vol andar a Firenze, et ha parlato al signor Duca et marchese di Saluzo, dicendo li soi signori voleno haver nel campo 5000 fanti et

Dapoi disnar fo Gran Conseio, et levato la cariega ducal el conzato sul tribunal uno raso cremexin da sentar il reverendissimo cardinal Trane con il Serenissimo, qual vene vestito di raso cremexin, et li Consieri, Cai di XL, Avogadori, et Cai di X et Censor in scarlato, tra li qual sier Ferigo da Molin in damiaschin cremexin. Fo ordenato alcuni dotori et zoveni di Pregadi, zercha numero che andassero levar il Cardinal alozato sopra la piazza con la madre in la Procuratia di sier Marco Grimani procurator, il qual vene acompagnato dal patriarcha di Aquilegia Grimani et dal vescovo di Trau *olim* di Scardona: poi alcuni di soi; era vestito sua signoria da cardinal con capa de zebebito paonazo.

Fu fato 9 voxe senza danari tutti, come noterò.

Fu, poi andà l' eletion dentro, posto per i Consieri et Cai di XL una parte di far tre Savii di Zonta al Collegio per tre mexi iusta il solito.

Fu presa. Ave: 622, 128, 3.

Fu posto, per li ditti, per compir la chiezia di Ognisanti, sia dato a quelle monache *amore Dei* una galla grossa vechia di l' Arsenal *ut in parte*. Fu presa. Ave; 732, 24, 14.

Et balotate *solum* tre voxe, esso Cardinal si volse partirsi, et il Serenissimo con la Signoria l'acompagnò fino a pe' di la scala de piera; el qual andò poi con li zentilhomeni in barcha.

Fo poi stridato per il Canzelier grandio di far il primo Gran Conseio iusta la parte per danari, camerlengo a Ruigo et al Formento, et 4 altre voxe che si trazerà di quelli non àrano compito di pagar l'imprestido: et questo fu fatto aziò quelli è debitori andaseno a pagar, aziò non perdi li officii o rezimenti.

Due ai X Savii in Rialto.

Sier Daniel Trivixan qu. sier Nicolò el procurator	398.437
† Sier Jacomo Antonio Orio è a la camara d'imprestidi, qu. sier Zuanne	446.390
Sier Alexandro Loredan qu. sier Costanzo, fo XL zivil	184.652
Sier Lorenzo Gixi fo a la camara d'imprestidi, qu. sier Marcho	436.400
Sier Ferigo Contarini fo proveditor sora il cotimo di Alexandria, qu. sier Alvise	406.430
† Sier Andrea Foscarini fo proveditor sora la chassa d'imprestidi, qu. sier Bernardo	518.320
Sier Domenego Griti fo di Pregadi, qu. sier Nicolò	225.625
Sier Zuan Nadal fo XL zivil, qu. sier Bernardo	264.569

Oficial a la Mesetaria.

Sier Zuan Maria Bembo l'avochato grandio, qu. sier Lio	409.384
Sier Francesco Tiepolo capitano a Soave, qu. sier Domenego	313.485
† Sier Hironimo Lion fo ala doana da mar, qu. sier Stefano	502.293
Sier Ferigo Barbarigo fo a l'Armamento, qu. sier Francesco	424.372

Due Avochati per le Corte.

Sier Antonio Dandolo di sier Andrea, qu. sier Antonio dotor	331.414
Sier Vetor Salamon, qu. sier Hironimo	358.388
† Sier Julio Marin fo ai XX Savii, qu. sier Alvise	472.299
† Sier Luca Griti fo al datio del vin, qu. sier Andrea	425.323
Sier Zuan Pixani fo castelan al ponte di la Torre, qu. sier Bortolamio	407.339
Sier Zuan Maria Morexini, qu. sier Conforto	317.438
Sier Batista Barbaro fo al Fontego di todeschi, di sier Alvixe, qu. sier Zacaria el cavalier procurator	380.361
Sier Alexandro Baxadona qu. sier Piero	365.382